

EXCMA. DEPUTACIÓN PROVINCIAL DE LUGO**SERVIZO DE DEPORTES***Anuncio*

EXTRACTO DO ACORDO DA XUNTA DE GOBERNO DA DEPUTACIÓN PROVINCIAL DE LUGO EN SESIÓN CELEBRADA O 28 DE MAIO DE 2021 POLO QUE SE APROBAN AS BASES DA CONVOCATORIA QUE REXERÁN NO PROCEDIMENTO DE CONCESIÓN DE SUBVENCIÓNS EN RÉXIME DE CONCORRENCIA NON COMPETITIVA, A CLUBS DEPORTIVOS DA PROVINCIA DE LUGO QUE PARTICIPAN EN LIGAS OU CAMPIONATOS OFICIAIS FEDERADOS POR EQUIPOS DE 1ª OU 2ª CATEGORÍA ABSOLUTA ESTATAL, PARA OS GASTOS DE TEMPORADA 2020-2021, DO GASTO E MODELOS DE SOLICITUDE E CONTA XUSTIFICATIVA.

SUBVENCIÓNS DESTINADAS A CLUBS DEPORTIVOS DA PROVINCIA DE LUGO QUE PARTICIPAN EN LIGAS OU CAMPIONATOS OFICIAIS FEDERADOS POR EQUIPOS DE 1ª OU 2ª CATEGORÍA ABSOLUTA ESTATAL, PARA OS GASTOS DE TEMPORADA 2020-2021.

BDNS (Identif):

De conformidade co previsto nos artigos 17.3b e 20.8 a da Lei 38/2003 de 17 de novembro, Xeral de Subvencións publícase o extracto da convocatoria cuxo texto completo poderá consultar na Base de datos Nacional de Subvencións.

<http://www.infosubvenciones.es/bdnstrans/GE/gl/index>

Primeiro.- Beneficiarios:

Poderán ser beneficiarios das subvencións os clubs deportivos da provincia de Lugo que teñan a súa sede e domicilio social na provincia de Lugo e participen en ligas ou campionatos oficiais federados por equipos de 1ª ou 2ª categoría absoluta estatal (enténdase expresamente o primeiro e segundo nivel de categoría da respectiva disciplina, independentemente da súa denominación), na modalidade para a que solicitan a subvención e dentro das disciplinas indicadas no punto 1.2 da presente convocatoria e que no momento da convocatoria o soliciten de acordo co establecido na presente convocatoria, tendo a consideración de beneficiario da subvención a entidade destinataria dos fondos públicos para a actividade ou acción que dentro da finalidade destas bases, se atope na situación que lexítima a súa concesión. Quedan expresamente excluídas, por tanto, deste procedemento as sociedades anónimas deportivas.

Segundo. Obxecto:

Constitúe o obxecto desta convocatoria a ordenación do procedemento aplicable para o outorgamento de subvencións, en réxime de concorrència non competitiva, a clubs deportivos da provincia de Lugo que participan en ligas ou campionatos oficiais federados por equipos de 1ª ou 2ª categoría absoluta estatal, para os gastos de temporada 2020-2021. A elección deste procedemento vén motivada pola propia natureza das subvencións, xa que a súa condición unicamente a determina o cumprimento por parte das entidades solicitantes dos requisitos establecidos na convocatoria, tendo en conta que quedan determinadas as disciplinas e modalidades incluídas e que se vinculan á súa participación en ligas ou campionatos oficiais federados por equipos de 1ª ou 2ª categoría absoluta estatal (enténdase o primeiro e segundo nivel de categoría da respectiva disciplina, independentemente da súa denominación).

As subvencións desta convocatoria teñen por finalidade o fomento e a promoción do deporte lucense no seu ámbito deportivo-competitivo.

Será obxecto deste procedemento de subvencións financiar os gastos de temporada 2020-2021 dos clubs deportivos da provincia de Lugo que participan en ligas ou campionatos oficiais federados por equipos de 1ª ou 2ª categoría absoluta estatal (enténdase expresamente o primeiro e segundo nivel de categoría da respectiva disciplina, independentemente da súa denominación), de como mínimo 15 xornadas de competición regular oficial e nas seguintes disciplinas deportivas e modalidades deportivas:

- Fútbol
- Fútbol sala
- Baloncesto
- Voleibol

Terceiro. Bases reguladoras

A Ordenanza Xeral de Subvencións da Deputación de Lugo na web desta entidade local, en concreto na seguinte dirección, [http:](http://www.deputacionlugo.gal)

<http://www.deputacionlugo.gal/gl/a-deputacion/normativas-e-ordenanzas>

CONVOCATORIA PARA A CONCESIÓN DE SUBVENCÍONS, EN RÉXIME DE CONCORRENCIA NON COMPETITIVA, A CLUBS DEPORTIVOS DA PROVINCIA DE LUGO QUE PARTICIPAN EN LIGAS OU CAMPIONATOS OFICIAIS FEDERADOS POR EQUIPOS DE 1ª OU 2ª CATEGORÍA ABSOLUTA ESTATAL, PARA OS GASTOS DE TEMPADA 2020-2021.

<http://www.deputacionlugo.gal/temas/deportes/home>

Cuarto. Contía e importe mínimo e máximo

Contía: 440.000,00 euros.

Importe mínimo: establécese un importe mínimo de 25.000,00 euros (vinte e cinco mil euros) a conceder a todos aqueles beneficiarios con solicitudes admitidas e completas e que cumpran cos requisitos previstos nesta convocatoria. O referido importe mínimo verase diminuído na cantidade proporcional que corresponda, de acordo coas respectivas axudas públicas e privadas declaradas e á porcentaxe de fondos propios que deba achegar o solicitante. En todo caso, para a asignación do importe mínimo deberá terse en conta así mesmo a cantidade solicitada polo respectivo beneficiario.

Quinto. Prazo de presentación de solicitudes

O prazo de presentación de solicitudes será de 5 días hábiles, a contar a partir do día seguinte da publicación no BOP da provincia de Lugo do extracto da convocatoria.

Sexto. Outros datos

Poderase realizar un anticipo como entrega de fondos que non superará o 50 % da axuda concedida, con dispensa de garantía.

Lugo, 2 de xuño de 2021.- "O PRESIDENTE, P. D. Decreto de data 26-07-2019, O DEPUTADO DELEGADO DE PROMOCIÓN ECONÓMICA E SOCIAL, Pablo Rivera Capón".

R. 1649

CONCELLOS

CERVANTES

Anuncio

En cumprimento de canto dispón o artigo 212 do Texto Refundido da Lei Reguladora das Facendas Locais aprobado por Real Decreto Lexislativo 2/2004, de 5 de marzo, e unha vez que foi debidamente informada pola Comisión Especial de Contas, exponse ao público a Conta Xeral correspondente ao exercicio 2020, por un prazo de quince días, durante os cales quen se estimen interesados poderán presentar reclamacións, reparos ou observacións que teñan por convenientes.

En Cervantes, 1 de xuño de 2021.- O Alcalde, Benigno Gómez Tadín.

R. 1650

Anuncio

CONVOCATORIA E BASES QUE REXERÁN A SELECCIÓN COMO FUNCIONARIO/A INTERINO/A DE UN/UNHA ARQUITECTO/A NO CONCELLO DE CERVANTES.

PRIMEIRA. Obxecto.

É obxecto das presentes bases a realización dun proceso selectivo, mediante concurso-oposición, para a selección na categoría de arquitecto/a, integrada na Subescala de Administración Especial, a tempo parcial cun 26,66 % de xornada, para o desenvolvemento das funcións e tarefas específicas da especialidade profesional correspondente e detalladas na Base Cuarta das presentes, como persoal funcionario interino.

A praza está encadrado na Escala de Administración Especial, Subescala: Técnica, clasificada no Grupo A, Subgrupo: A1.

As retribucións do posto son as determinadas no Anexo de persoal do Orzamento do Concello de Cervantes para o ano 2021 (B.O.P. n.º 027 do 03/02/2021). Grupo A1, CD 24, CE 2.043,00 euros.

O candidato/a seleccionado será nomeado/a como persoal funcionario interino/a, a tempo parcial (40 horas / mes).

SEGUNDA. Normas de aplicación.

O procedemento de selección regularase polo previsto nas presentes bases, e no non previsto nelas, polo establecido no Real Decreto Lexislativo 5/2015, de 30 de outubro, polo que se aproba o Texto Refundido do